

Broj: 02-11-4-1190-10/23
Datum, 18.08.2023.godine

Na osnovu člana 70. st. (1) i (3) Zakona o javnim nabavkama („Službeni glasnik BiH”, br. 39/14 i 59/22)) i člana 26. Pravilnika o unutrašnjoj organizaciji Federalnog ministarstva raseljenih osoba i izbjeglica, broj: 02-02-312-15/23 od 23.03.2023. godine i broj: 07-02-312-26/23 od 30.06.2023. godine, a na prijedlog Komisije za javne nabavke, imenovane Rješenjem, broj: 02-11-4-1190-1/23 od 27.07.2023. godine, federalni ministar raseljenih osoba i izbjeglica **donosi**

O D L U K U

o izboru najpovoljnijeg ponuđača za nabavku roba - goriva za potrebe Federalnog ministarstva raseljenih osoba i izbjeglica

I

U provedenom otvorenom postupku javne nabavke za dostavu ponuda za nabavku roba - goriva za potrebe Federalnog ministarstva raseljenih osoba i izbjeglica, evidencijski broj nabavke: 02-11-4-1190-3/23, broj Obavještenja o nabavci sa portala javnih nabavki: 668-1-1-43-3-53/23, vrši se izbor najpovoljnijeg ponuđača koji je u konkretnom postupku jedini ponudio prihvatljivu ponudu, i to:

- ***Energopetrol d.d. Sarajevo, sa ukupnom cijenom ponude bez PDV-a, u iznosu od 119.840,00 KM***

II

Ponuđač iz tačke I ove odluke ocijenjen je kao najpovoljniji, jer ispunjava sve uvjete postavljene tenderskom dokumentacijom, a u skladu sa kriterijem za dodjelu ugovora (najniža cijena), ponudio je najnižu cijenu.

III

Ponude ponuđača Petrol BH Oil Company d.o.o Sarajevo u iznosu od 144.030,00 KM i ponuđača Hifa d.o.o Tešanj u iznosu od 127.194,00 KM, u skladu sa članom 2. stav (1) tačka I podtačka 2) Zakona o javnim nabavkama, odbacuju se kao neprihvatljive, budući da ponuđene cijene prelaze planirana, odnosno obezbijedena novčana sredstva ovog Ugovornog organa za konkretnu nabavku, a koja su procijenjena i planirana na iznos od 120.000,00 KM bez PDV-a.

IV

Izabrani ponuđač iz tačke I ove Odluke dužan je dostaviti dokaze o kvalificiranosti, u skladu sa članom 45. stav (2) tč. a) do d) Zakona o javnim nabavkama, u roku od 5 (pet) dana nakon što budu obavješteni od strane ovog Ministarstva o rezultatima postupka nabavke.

V

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Otvoreni postupak javne nabavke goriva za potrebe Federalnog ministarstva raseljenih osoba i izbjeglica pokrenut je Odlukom o pokretanju postupka nabavke, broj: 02-11-4-1190/23 od 27.07.2023. godine. Procijenjena vrijednost nabavke iznosi 120.000,00 KM bez PDV-a i predviđena je Planom javnih nabavki ovog Ministarstva, dio Robe, redni broj 2. - gorivo. Obavijest o nabavci, broj: 668-1-1-43-3-53/23 poslana je na objavu dana 27.07.2023. godine, te je zajedno sa tenderskom dokumentacijom, istog dana objavljena na portalu Javnih nabavki. Nakon provedenog postupka nabavke, predviđeno je zaključivanje okvirnog sporazuma sa jednim ponuđačem na period od dvije godine.

Tendersku dokumentaciju preuzelo je 10 privrednih subjekata, a 3 ponuđača su dostavili ponude u predmetnom postupku nabavke. Sve ponude dostavljene su blagovremeno. Ponude su dostavili sljedeći ponuđači: Energopetrol d.d. Sarajevo, Petrol BH Oil Company d.o.o. Sarajevo i Hifa d.o.o. Tešanj.

Nakon uvida u ponuđene cijene, Komisija za javne nabavke je konstatovala da ponude ponuđača Petrol BH Oil Company d.o.o Sarajevo u iznosu od 144.030,00 KM i ponuđača Hifa d.o.o Tešanj u iznosu od 127.194,00 KM, prelaze planirana, odnosno obezbijeđena novčana sredstva ovog Ugovornog organa za konkretnu nabavku, a koja su procijenjena i planirana na iznos od 120.000,00 KM bez PDV-a, kako je i navedeno u Planu nabavki Ugovornog organa i Tenderskoj dokumentaciji, te je bilo potrebno, u skladu sa članom 2. stav (1) tačka I podtačka 2) Zakona o javnim nabavkama, iste odbaciti kao neprihvatljive.

U predmetnom postupku bilo je predviđeno provođenje e-aukcije, međutim, budući da je utvrđeno da je samo jedna ponuda prihvatljiva, to u skladu sa članom 3. stav (3) Pravilnika o uslovima i načinu korištenja e-aukcije (Službeni glasnik BiH, broj: 66/16), nije bilo moguće zakazati i provesti e-aukciju.

Nakon izvršene evaluacije, Komisija je federalnom ministru raseljenih osoba i izbjeglica dostavila Zapisnik o pregledu i ocjeni ponuda, broj: 02-11-4-1190-10/23 od 17.08.2023. godine sa preporukom o izboru ponuđača Energopetrol d.d. Sarajevo, ID broj: 4200163020002, sa sjedištem u ul. Azize Šaćirbegović 4b, Sarajevo.

U postupku donošenja ove odluke, posebno su cijenjene činjenice da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz tenderske dokumentacije. U postupku ocjene provedenog postupka, federalni ministar nije našao razloge, nepravilnost, niti propuste u radu, a koji bi eventualno bili osnov za neprihvatanje preporuke Komisije za javne nabavke.

U postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

Pouka o pravnom lijeku:

Protiv ove Odluke, svaki od ponuđača koji je učestvovao u postupku nabavke, može izjaviti žalbu ugovornom organu - Federalnom ministarstvu raseljenih osoba i izbjeglica, u pisanoj formi direktno ili preporučenom poštanskom pošiljkom, u roku od 10 (deset) dana od dana prijema ove odluke.

M I N I S T A R

Nerin Dizdar

Dostaviti:

1. Svim ponuđačima u postupku
2. Komisiji za nabavke
3. a/a